

O'zbek - Salvation Scriptures

Efesliklar 2:2 Sizlar bu dunyoning odatlari bo'yicha, yovuz ruhiy kuchlarning hokimi bo'lgan shaytonga bo'ysunib, gunohga botib yashardingiz. Xudoga itoat qilmay yashayotganlarning yuraklarida amal qilayotgan — shayton.

Matto 6:10 Sening Shohliging kelsin. Osmonda bo'lgani kabi, Yerda ham Sening irodang bajo bo'lsin.

Luqo 22:42 — Ey Ota! Qaniydi, bu azob kosasini Mendan uzoqlashtirsang! Ammo Mening xohishim emas, Sening xohishing bajo bo'lsin.

Yohanno 16:7-9 Ammo sizlarga haqiqatni aytaman, Mening ketishim sizlar uchun yaxshiroqdir. Agar Men ketmasam, Homiy kelmaydi. Agarda ketsam, Uni oldingizga yuboraman. **8** U kelganda dunyoga gunoh, adolat va hukm to'g'risidagi haqiqatni ayon qiladi. **9** Gunoh to'g'risidagi haqiqat shundan iboratki: odamlar Menga ishonmaydilar.

2 Timo'tiy 2:10 Shunday ekan, Xudoning tanlagan odamlari Iso Masih bergan najotdan bahramand bo'lsinlar, abadiy ulug'vorlikka erishsinlar, deb men hamma narsaga chidab kelyapman.

Rimliklarga 15:20,21 Shu bilan birga, men boshqalarning poydevori ustiga bino qurmayin, deb hali Masihning nomi ovoza qilinmagan yerlarda Xushxabarni yoyish uchun jon kuydiryapman. **21** Muqaddas Bitiklarda yozilganiday: "U haqda xabarsiz bo'lganlar endi ko'radilar, U haqda eshitmaganlar endi anglab yetadilar."

Faoliyati 2:36,37 Butun Isroil xalqi shuni aniq bilib qo'ysin: sizlar mixlagan Isoni Xudoning O'zi jamiki borliq ustidan hukmdor qildi. Iso ham Masih, ham Rabbiydir. **37** Xaloyiq bu gaplarni eshitdi-yu, yuraklari tilka-pora bo'ldi. Ular Butrusdan va qolgan havoriylardan: — Birodarlar, endi biz nima qilaylik? — deb so'radilar.

Ibroniylar 4:2 Axir, farog'at diyori haqidagi Xushxabar Isroil xalqiga sahroda e'lon qilinganday, bizga ham e'lon qilindi. Ammo ular bu Xushxabarni eshitsalar ham, uning qadriga yetmadilar. Ular bizga o'xshab, bu xabarga quloq solganlarida edi, ishongan bo'lar edilar.

Yeremiyo 24:7 Qalblariga Meni bilish istagini solaman, ular Meni, Egamiz, deb tan oladilar. Butun qalblari bilan Menga qaytadilar. Ular Mening xalqim, Men esa ularning Xudosi bo'laman."

Faoliyati 16:14 Bizni tinglab o'tirganlar orasida Lidiya degan bir ayol ham bor edi. U Tiyatira shahridan bo'lib, safsar matolar sotardi. U xudojo'y edi. "Pavlusning aytganlarini jon dili bilan tinglasin", deb Egamiz Lidiyaning yuragini ochdi.

Matto 13:14,15 Ishayoning bashorati ularda bajo bo'lgan: **“Sizlar e'tibor berib tinglaysiz, Lekin hech qachon tushunmaysiz, Yaxshilab qarab turasiz, Ammo hech qachon anglamaysiz. 15 Zero, bu xalqning aqli o'tmas bo'ldi, Quloqlari og'irlashdi, Ular ko'zlarini yumib olishdi. Toki ko'zlari bilan ko'rmasinlar, Quloqlari bilan eshitmasinlar, Aqlari bilan anglamasinlar, Tag'in Menga qaytib, shifo topmasinlar.”**

Ishayo 6:9,10 U shunday dedi: **“Bor, mana shu xalqqa: ‘Tinglayverasiz, lekin anglab yetmaysiz, Qarab turibsizu, ammo bilmaysiz’, — deb aytgin. 10 O'sha xalqning aqlini o'tmas qil, Quloqlarini qilgin garang, Ko'zlarini esa ko'r qilgin. Toki ko'rmay qolsin ko'zlari, Eshitmay qolsin quloqlari. Anglamay qolsin aqlari, Toki yana Menga qaytib, Shifo topmasin ular.”**

Mark 4:11,12 Iso ularga dedi: **“Xudo Shohligining siri sizlarga berilgan. Tashqaridagilarga esa hamma narsa masallar orqali anglatiladi. 12 Zotan: ‘Ular ko'rib turib, anglamaslar, Tinglab turib, tushunmaslar. Aks holda Xudoga qaytgan bo'lardilar, Gunohlaridan forig' bo'lgan bo'lardilar.”**

Yohanno 12:39,40 Haqiqatdan ham, ular ishona olmadilar. Negaki, Ishayo ular haqida yana shunday deb aytgandi: **40 “Xudo ularning ko'zlarini ko'r qildi, Aqlarini o'tmas qildi. Toki ko'zlari bilan ko'rmasinlar, Aqlari bilan anglamasinlar, Tag'in Menga qaytib, shifo topmasinlar.”**

Rimliklarga 11:7,8 Xullas, bu nimani bildiradi? Isroil xalqi solihlik payida bo'lsa ham, solihlikka erishmadi. Faqatgina tanlanganlar bu maqsadga erishdi, qolganlarning esa yuraklari tosh bo'ldi. **8 Muqaddas Bitiklarda yozilganday: “Xudo shu paytgacha ularni qattiq uxlatib qo'ydi, Ularga ko'radigan ko'z, eshitadigan quloq bermadi.”**

2 Salonikiliklar 2:10,11 Halok bo'layotganlarni har xil hiyla-makrlar bilan aldaydi. Ular najot beradigan haqiqatni yaxshi ko'rishni rad qilganlari uchun halok bo'lyaptilar. **11** Mana shuning uchun Xudo ularni adashtiradigan bir kuchga topshirib qo'yadi. Shunda ular yolg'onlarga ishonib yuraveradilar.

Matto 13:18-23 **“Urug' sepuvchi haqidagi masalning ma'nosini anglab olinglar. 19** Osmon Shohligi to'g'risidagi kalomni eshitgan, ammo tushunib olmagan odamga yovuz shayton kelib, uning yuragiga ekilgan kalomni o'g'irlab ketadi. So'qmoq yo'l ustiga tushgan urug'lar ana shularga ishoradir. **20** Toshloq yerga sepilgan urug'lar esa shunday odamlarni bildiradi: ular kalomni eshitganda, uni darrov sevinch bilan qabul qiladilar. **21** Lekin ularning ildizi bo'lmagani uchun uzoq vaqtga chidamaydilar. Kalom tufayli qiyinchilik yoki quvg'inga duchor bo'lishsa, darrov chekinadilar. **22** Tikanlar orasiga sepilgan urug'lar shunday odamlarni bildiradiki, ular Xudoning kalomini eshitadilar, lekin dunyoning

tashvishlari va boylikka o'chlik kalomni bo'g'ib qo'yadi, kalom esa samarasiz qoladi. 23 Yaxshi tuproqqa sepilgan urug'lar esa shunday odamlarni bildiradi: ular kalomni eshitib, uning ma'nosini tushunib oladilar. Ularning ba'zilari yuz barobar, ba'zilari yetmish barobar va ba'zilari o'ttiz barobar mo'l hosil beradilar.”

2 Korinfliklar 3:15,16 Ha, hozir ham Musoning qonuni o'qilganda, ularning ongi to'siqdir. 16 Ammo Egamizga yuz burgan insonning ongidan to'siq parda olib tashlanadi.

Ishayo 30:28 Uning nafasi bo'yingacha keladigan Toshqin daryoga o'xshar, U xalqlarni halokat elagida elaydi. U elatlarning og'ziga suvluq soladi—da, Ularni yo'ldan adashtiradi.

Xo'sheya 11:3-7 Efrayimga yurishni Men o'rgatgan edim, Uni qo'llarimda ko'tarib yurgan edim. Ammo qilgan g'amxo'rligimni u bilmadi. 4 Men esa uni mehr ila yetaklagandim, Muhabbat rishtalari ila olib yurgan edim. Bo'ynidan bo'yinturuqni olib tashlagandim, Oldiga engashib, uni oziqlantirgandim. 5 Xalqim tavba qilishdan bosh tortdi. Shuning uchun Men ularni endi Misrga jo'natib jazolamayman, Zolim Ossuriyaga tobe qilaman. 6 Shaharlarida qilich hukm suradi, Darvozalarining tambalarini yo'q qiladi. Yovuz rejaları tufayli xalqim qilichdan haloq bo'ladi. 7 Qachon qarasa ular Mendan yuzini o'girishadi. Yana Menga — Xudoyi Taologa faryod qilishadi, Ammo Men ularni aslo yuksaltirmayman.

Faoliyati 26:18 Sen ularning ko'zlarini ochasan, ularni zulmatdan yorug'likka, shaytonning hukmronligidan Xudoning hukmronligiga qaytarasan. Menga imon keltirish orqali ularning gunohlari kechirilib, ular Xudoning tanlangan xalqi orasidan joy oladilar.”

2 Timo'tiy 2:24-26 Rabbimiz Isoning quli esa janjalkash bo'lmasligi kerak. Aksincha, u hammaga mehribon, ta'lim berishga qobiliyatli, sabr-toqatli bo'lishi lozim. 25 U o'z raqiblarini muloyimlik bilan yo'lga solsin. Kim bilsin, balki Xudo ularni tavbaga olib kelar?! Shunda ular haqiqatni bilib, 26 o'zlariga kelarlar, iblisning tuzog'idan qutulib qolarlar. Axir, iblis ularni asir qilib, o'ziga tobe qilib olgan.

Vahiy Yohanno 3:17-19 Sen: “Boyman, o'zimga to'qman, hech narsadan kam—ko'stim yo'q”, — deysan. Aslida esa ayanchli, achinarli ahvolda ekaningni, qashshoq, ko'r va yalang'och ekaningni bilmaysan! 18 Senga maslahat beraman: boyishing uchun Mendan olovda toblangan oltinni sotib ol. Sharmandali yalang'ochligingni yopish uchun egningga oq kiyim, ko'rishing uchun ko'zlaringga surtadigan malhamni Mendan sotib ol. 19 Men kimni sevsam, aybini ko'rsataman, tarbiyalayman. Shunday ekan, shijoatli bo'l, gunohlaring uchun tavba qil.

2 Korinfliklar 7:10 Axir, Xudo yaxshilikka ishlatadigan xafagarchilik tavba

olib keladi, tavba esa najotga yetaklaydi va hech qanday armonu afsusga sabab bo'lmaydi. Bu dunyo keltiradigan xafagarchilik esa o'limga olib boradi.

3 Shohlar 18:37 Menga javob ber, ey, Egamiz! Menga javob ber: mana bu xalq Sening Xudo ekaningni, ularning dilini Sen O'zingga moyil qiluvchi ekaningni bilsin.

2 Korinfliklar 4:4 Bu dunyoning xudosi imonsizlarning ongini ko'r qilib qo'ygan. Shuning uchun ular Xushxabarning nurini ko'ra olmaydilar. Bu Xushxabar Xudoning aniq tasviri bo'lgan Masihning ulug'vorligini ko'rsatadi.

Luqo 8:11-15 "Bu masalning ma'nosi shu: Urug' — Xudoning kalomidir. 12 So'qmoq yo'l ustiga tushgan urug'lar shunday odamlarni bildiradi: ular kalomni eshitadilar, lekin ishonmasliklari va najot topmasliklari uchun iblis ularning yuragidan kalomni olib ketadi. 13 Toshloq joyga tushgan urug'lar esa shunday odamlarni bildiradi: ular kalomni eshitganda uni sevinch bilan qabul qiladilar. Ammo ular ildiz otmagan. Shuning uchun ular qisqa vaqt davomida ishonadilar, sinov payti kelganda esa imondan qaytadilar. 14 Tikanlar orasiga tushgan urug'lar shunday odamlarni bildiradiki, ular kalomni eshitadilar, biroq umri davomidagi tashvishlar, boyluk va hayot lazmatlari bunday urug'larni bo'g'ib qo'yadi. Ularning hosili yetilmaydi. 15 Yaxshi tuproqqa tushgan urug'lar esa shunday kishilarni bildiradi: ular kalomni eshitib, uni ezgu, samimiy yurakda asraydilar va sabr-toqat ila hosil beradilar."

Faoliyati 15:11 Yo'q! Ishonamizki, biz ham ular singari, Rabbimiz Isoning inoyati tufayli najot topamiz.

Rimliklarga 8:13 Axir bashariy tabiat yetakchiligida yashasangiz, o'lasizlar, ammo Ruh orqali o'sha tabiatning qilmishlariga chek qo'ysangizlar, yashaysizlar.

**Pastor T. John Franklin
Church of Salvation, Healing, and Deliverance
COS-HAD.org**